

ҮНДЭСНИЙ ХОРООНЫ БҮРЭЛДЭХҮҮН, ДҮРМИЙГ БАТЛАХ ТУХАЙ

Монгол Улсын Засгийн газрын тухай хуулийн 11 дүгээр зүйлийн 1, Хөрс хамгаалах, цөлжилтөөс сэргийлэх тухай хуулийн 8.1.2-т заасныг тус тус үндэслэн "Засгийн газарт чиглэл өгөх тухай" Монгол Улсын Ерөнхийлөгчийн 2021 оны 10 дугаар сарын 04-ний өдрийн 58 дугаар зарлигийг хэрэгжүүлэх зорилгоор Монгол Улсын Засгийн газраас ТОГТООХ нь:

1. "Уур амьсгалын өөрчлөлт, цөлжилтийг бууруулах үндэсний хорооны бүрэлдэхүүн"-ийг Засгийн газрын 2017 оны 1 дүгээр сарын 25-ны өдрийн 27 дугаар тогтоолын 35 дугаар хавсралт болгон 1 дүгээр хавсралт, "Уур амьсгалын өөрчлөлт, цөлжилтийг бууруулах үндэсний хорооны ажиллах журам"-ыг 2 дугаар хавсралт ёсоор тус тус баталсугай.
2. Үндэсний хорооны үйл ажиллагааг зохион байгуулан ажиллахыг Үндэсний хорооны орлогч дарга бөгөөд Байгаль орчин, аялал жуулчлалын сайд Н.Уртнасанд даалгасугай.
3. Энэ тогтоол гарсантай холбогдуулан "Засгийн газрын комисс, хороо, үндэсний зөвлөл, ажлын хэсгийн бүрэлдэхүүний тухай" Засгийн газрын 2017 оны 1 дүгээр сарын 25-ны өдрийн 27 дугаар тогтоолын 20 дугаар хавсралтаар баталсан "Засгийн газрын комисс, хороо, ажлын хэсэг, тэдгээрийн дарга"-ын 8 дахь заалтыг хүчингүй болсонд тооцсугай.

Монгол Улсын Ерөнхий сайд Л.ОЮУН-ЭРДЭНЭ

Байгаль орчин, аялал жуулчлалын сайд Н.УРТНАСАН